

Headline	Warga emas patah paha diserang penyamun		
MediaTitle	Harian Metro		
Date	03 Nov 2018	Language	Malay
Circulation	112,705	Readership	338,115
Section	Setempat	Page No	42
ArticleSize	89 cm²	Journalist	N/A
PR Value	RM 10,479		



Warga emas patah paha diserang penyamun

Kepala Batas: Warga emas patah paha kanan selepas diserang dan ditolak seorang lelaki yang menyamun barang kemas milik wanita berkenaan di kediamannya di Pajak Song, kelmarin.

Dalam kejadian jam 11.15 pagi itu, suspek yang menyamar sebagai pekerja Tenaga Nasional Berhad (TNB) datang ke rumah mangsa menaiki kereta Perodua Axia.

Ketua Polis Daerah Seberang Perai Utara (SPU), Asisten Komisioner Noorzainy Mohd Noor berkata, suspek berusia 60 tahun itu berpura-pura menjemput warga emas berusia 78 tahun itu dan suaminya menghadiri kenduri doa selamat di rumahnya.

“Suspek sempat meminta air kononnya untuk menghilangkan dahaga sebelum menyerang dan menolak mangsa ke lantai sehingga mangsa terjatuh serta patah paha kanan.

“Suspek kemudian melarikan diri bersama barang kemas bernilai lebih RM5,000,” katanya.

Menurutnya, mangsa kemudian mendapatkan rawatan di Hospital Kepala Batas (HKB) berikutan kecederaan yang dialaminya sebelum membuat laporan polis.

Noorzainy berkata, susulan laporan yang dibuat mangsa, polis memburu suspek sebelum berjaya menahannya jam 5.45 petang hari sama di Nibong Tebal.